

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 01.08.2019թ. թիվ 1909802352 և 31.10.2019թ. թիվ 1910308088 որոշումներն անփոփոխ թողնելու, իսկ 08.04.2019թ. թիվ 1909322959 որոշումը բեկանելու մասին

<<19>> 12 2019թ. 17-13-1 0677

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արմեն Խաչատուրյանի ՄԴ/4060-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Քաջագնունու փողոցի 3-րդ շենքի 42-րդ բնակարանի բնակիչ Արմեն Խաչատուրյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 08.04.2019թ. թիվ 1909322959, 01.08.2019թ. թիվ 1909802352 և 31.10.2019թ. թիվ 1910308088 որոշումները՝ նշելով, որ երթևեկել է խաչմերուկում առկա գծանշմանը համապատասխանող ուղղությամբ:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

Ղեկավարվելով <<Վարչարարության հիմունքների և վարչական վարույթի մասին>> օրենքի 37-րդ հոդվածի պահանջներով, քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 3-րդ հադվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**: Նույն օրենքի 6-րդ հոդվածի 1-ին և 2-րդ մասերի համաձայն՝ իրավախախտման հատկանիշների պարզումը վարույթ իրականացնող վարչական մարմնի կողմից տեսանյութում կամ լուսանկարում ամրագրված արարքի հատկանիշների համադրումն է իրավախախտման հատկանիշների հետ: Իրավախախտման հատկանիշները համարվում են պարզված, երբ տեսանյութում կամ լուսանկարում ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում, իսկ կասկածի դեպքում մեկնաբանվում է իրենց անօգուտ անձի:

Ճանապարհային ոստիկանության վարչական տույժ նշանակելու մասին 08.04.2019թ. թիվ 1909322959 որոշմամբ արձանագրված իրավախախտումն ամրագրած տեսանյութի լրացուցիչ ուսումնասիրության արդյունքում իրավախախտման փաստի առկայությունը համարվել է կասկածելի, չի նշմարվում 5.15.1 <<Երթևեկության ուղղությունները գոտիներով>> ճանապարհային նշանը:

Ճանապարհային ոստիկանության վարչական տույժ նշանակելու մասին 01.08.2019թ. թիվ 1909802352 և 31.10.2019թ. թիվ 1910308088 որոշումների հիմքում դրված տեսանյութերը փաստում են, որ 10.07.2019թ ժամը 12:34-ին և 12.10.2019թ. ժամը 17:39-ին դիմումատուն Երևան քաղաքի Սայաթ-Նովա - Տերյան փողոցների խաչմերուկի հատվածում, վարորդների համար տեսանելի վայրում տեղադրված 5.15.1. <<Երթևեկության ուղղությունները գոտիներով>> ճանապարհային նշանի առկայությամբ՝ միայն աջ թույլատրող երթևեկության գոտուց երթևեկել է ուղիղ, հետևաբար թույլ է տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ելնելով վերոգրյալից, ղեկավարվելով Վարչական իրավախախտումների վերաբերյալ 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 01.08.2019թ. թիվ 1909802352 և 31.10.2019թ. թիվ 1910308088 որոշումները թողնել անփոփոխ, իսկ վարչական բողոք դրանց վերաբերվող մասով՝ առանց բավարարման:
2. Ճանապարհային ոստիկանության վարչական տույժ նշանակելու մասին 08.04.2019թ. թիվ 1909322959 որոշումը բեկանել:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Արմեն Խաչատուրյանին և ՃՈ ֆինանսական բաժանմունք:

